





Nqaariit ndeer o kiin fo ndaxar




1 A miña lool, o kiin fo ndaxar a ndeef'u qariit paax. Ndaxar kaa gim'u nqaariit ne ndeerum fo kiin da yoonaa muu da ndefna.




2 Ndaxar a faax'u lool. A yetooxoogu o kiin na sumaan ale njeec' ne fo nqeñ.



3 Ndaa xa kiid axe a mbaafaa, ndaxar ne a maakaa a maak a ñofu, na neene o kiin a fer o laamtaa xoox um a jaaxid.



4 « Eh roog ! Ndaxar oxe maakaa no ñofu too geenwee a moy' o maakaa, a waagax-am o gaañ. » Ta lay ee boo ta sutoox a ret a laamitik. Na fat ale, ta xet fa fidel laa naa doxaa a cuuf a beeru.




5

O kiin a joktoor fo fidel no njaaxid um. Fidel a wetandooxin pary'u, soxodu no ndaxar ko da asoor. « Na neene, » fidel a lay o kiin ee : « ndigil a refu o jaaxid ! ndaxar o pad a ref. Leng soom a bugu – A moy'angaa o maak, xan a jeem o yaqong ! »




6

« Nannooxaam apaax » na falay fidel
« Kom jegiro dole ne na mi, xan cooxong laf maak neene. O xaadangaa, o yokangaa ndaxar ne degeen xa ting-ating soo o bisiidaam a cuuf ake »



7


Ye o kiin a nomtooxiidna baa ga' ndaxar ne, ta dalfo fi' ke fi'lel a as'uuna. Ta sut laf ne a fer o godaa ndaxar ne, a deg a caf ake fa pay' ake.



Ndaxar ne a jaaxid lool a jomi!
Waagatee a ñaac a refangee ta
sipoox kam lanq ke. Ta deet
o kiin a wuuq : « O kiin, ref'aa
xaariit es too faax'aam fa wo.
Ke fi'oona felee na keen es.
Ndaa koy, fuuxaniroong yaam
a xoolaxam ee o pañ es fidel
layoong keene fi'oona fop.
Waasanaaxong boo ndiik
xan maad o faaxaa fa wo boo
ndiik. Ndaa waraa o and
ee ye degoona a caf es boo
yut, waagkatiim o ñaay' boo
yoonom. »



9 O bugangaa um yetooxang fo yookang xan o jab o moof a paam es o kiin a jeg'a gaci too a ricoox'a lool no ke ta fi'ina. A xod'a xaariit um ! Ta muj o lay ee muk na adna gofkatee ndaxar. O kiin a jang a naaq ake ta deg'ina ngir o sip a ndokum paam xaariitum.



10 Ye ta miñkaa ndaxar a saktaa a rimaa xa tim ngir o ñoowin o kiin fo pasil um. Yaaga boo ndiik, o kiin a andda o njiriiñ ndaxar.



11 Keene taxu xaye, muu wiin we a ñoowaa, owe njimbaa taxar a topatooxan ngir o lalit mbug fa niw no nqaariit njegu solo neene.



This work is licensed under a Creative Commons Attribution Non-Commercial No Derivatives (CC BY-NC-ND) License.